

SUKARNO MEMECAHBELAHKAN UMAT ISLAM

Makalah ini bukannya untuk mencari perpecahan dan berdasarkan sentimen semata. Saya berharap makalah yang ditulis berturut-turut ini ada manfaatnya bagi kita bersama untuk memberhentikan keadaan-keadaan yang berlaku di sekeliling masyarakat kita umat Islam Indonesia supaya kita mengetahui dengan nyata bahawa di Indonesia itu tidak dapat menegakkan suatu negara Islam. Kita melihat dan mengetahui dengan nyata bahawa selagi Presiden Sukarno memegang tumpuk pemerintahan atau menjadi lambang umat Indonesia maka sudah terang negara Islam tidak akan dapat ditegakkan di Indonesia. Kita berkeyakinan bahawa selagi umat Islam selalu “berdamai” dengan Sukarno maka tiap-tiap perdamaian itu akan membawa keruntuhan cita-cita menegakkan negara Islam di Indonesia.

Oleh Wakil Khas Kita

Dengan tidak jayanya Suwiryo membentuk Jemaah Menteri yang dipilih daripada orang-orang yang pakar menurut mandat yang diberi oleh Sukarno, maka dengan kegagalan itu Sukarno telah membentuk satu Jemaah Menteri mengikut kemahuannya sendiri dengan kuasa darurat yang disyiharkannya di seluruh Indonesia. Perkara yang sangat-sangat memerlukan bagi seluruh umat Islam khususnya ialah bagaimana Idham Chalid dari Nahdatul Ulama' dan Pangeran Mohammad Noor duduk di dalam Jemaah Menteri itu pada hal orang-orang di dalam Jemaah Menteri itu ialah orang-orang yang hampir semuanya sama sebagaimana dianjurkan oleh Suwiryo dahulu yang ditolak oleh Nahdatul Ulama', terutamanya mengenai Kementerian Pelajaran dan Kebudayaan iaitu Prof Priyono yang telah mendapat hadiah Nobel dari Stalin.

Kejadian bagaimana Nahdatul Ulama' terpaksa meluluskan Idham Chalid duduk di dalam Jemaah Menteri itu, hamper-hampir membawa satu peristiwa yang mnerbitkan perpecahan yang hebat di antara ahli-ahli Nahdatul Ulama' sendiri. Sebab itulah setelah berlaku pertentangan-pertentangan yang hebat di dalam Nahdatul Ulama, pucuk pimpinan Nahdatul Ulama' mengeluarkan perisytiharan

bahawa jika dalam masa tiga bulan Jemaah Menteri ini tidak membawa kebaikan kepada masyarakat maka Nahdatul Ulama akan memerintahkan Idham Chalid keluar daripada jemaah menteri yang ada itu,

Seorang anggota pimpinan Nahdatul Ulama tatkala ditanya mengenai hal ini di antara lain-lain menceritakan bahawa sebenarnya Nahdatul Ulama itu telah membuat satu ikrar dan pengakuan bahawa mereka tidak akan menyertai sesuatu Jemaah Menteri yang ada di dalamnya komunis dan tidak juga akan menyertai satu Jemaah Menteri yang tidak ada di dalamnya Masyumi kerana Nahdatul Ulama berpendapat bahawa Jemaah Menteri yang serupa itu tidak ada ertiinya kerana perkara-perkara yang berlaku di daerah-daerah itu tidak akan diselenggarakan jika Masyumi tidak ada di dalamnya sebab suara-suara Masyumi di daerah-daerah itu lebih kuat daripada lain-lainnya.

Dengan kerana ikrar itulah pucuk pimpinan Nahdatul Ulama dan anggota-anggota Nahdatul Ulama terperanjat mengapa maka Idham Chalid menerima jawatan itu dengan tidak sekali-kali lebih dahulu membawa kepada permesyuaratan

dalam dewan pimpinan Nahdatul Ulama sendiri.

Inilah perkara yang menjadi pertanyaan-pertanyaan yang besar sehingga jadi pertentangan-pertentangan yang hebat tentang hal ini di dalam lingkungan Nahdatul Ulama.

Anggota Nahdatul Ulama ini menceritakan bahawa rupanya apabila Suwiryo gagal membentuk Jemaah Menteri yang ditugaskan Sukarno kepadanya dan Sukarno sendiri membentuk Jemaah Menteri mengikut kemahuannya dengan meletakkan Prof Priyono menjadi Menteri Pelajaran dan Kebudayaan (yang ditolak oleh parti-parti Islam) khabarnya memanggil Idham Chalid. Ia dipanggil ke rumahnya pada malam hari oleh polis tentera dan dibawa ke Istana Merdeka menghadap Presiden Sukarno. Apabila tiba di istana maka Presiden meminta ia menjadi wakil Perdana Menteri dan Idham Chalid menyatakan bahawa ia tidak boleh menerima jawatan itu melainkan setelah mendapat kebenaran dari dewan pimpinannya.

Sukarno dikatakan berkata, bahawa tidak perlu mendapat persetujuan kerana Jemaah Menteri yang dibentuknya itu adalah Jemaah Menteri yang dipilih daripada orang-orang ahli bukan daripada parti-parti. Idham Chalid menolak dan kemudian ia dihantar ke rumahnya dengan polis tentera dan esok paginya diambil lagi oleh polis tentera dan dibawa ke istana dan diperintahkan supaya menerima jawatan itu dengan tidak boleh menolak. Idham Chalid tidak dapat menyatakan apa-apa kerana harus di dalamnya ada ugutan dari Presiden Sukarno dengan kekuatan kuasa darurat yang diisyiharkannya itu. Dengan demikian sekalipun Idham Chalid menyatakan bahawa ia akan mempunyai tanggungjawab kepada Dewan Perwakilan Rakyat juga ditolak oleh presiden dan dipaksa menerima jawatan itu,

Inilah sebabnya hal-hal yang hampir-hampir menjadikan pecah-belah di dalam Nahdatul Ulama semdiri dan halnya

tidak sebagai kedudukan Masyumi yang tegas bahawa apabila Pangeran Mohammad Noor dipaksa, seperti juga Idham Chalid, maka Masyumi mengisyiharkan bahawa Pangeran Mohammad Noor dipecat daripada menjadi anggota pimpinan Masyumi.

Akhirnya anggota pimpinan Nahdatul Ulama menghadapi Idham Chalid untuk mengambil satu keputusan bahawa sekiranya dalam masa 3 bulan Jemaah Menteri Juanda itu tidak dapat melaksanakan kerja untuk memulihkan keselamatan dan kesejahteraan negara, maka Nahdatul Ulama akan menarik Idham Chalid dari menjadi wakil Perdana Menteri di dalam Jemaah Menteri “paksa” yang ditubuhkan oleh Sukarno.

Kalau diperhatikan segala kejadian-kejadian ini, kata anggota Nahdatul Ulama yang kita jumpai, tentulah saudara akan bertanya: Mengapa Sukarno sebegitu sekali muhu menegakkan satu Jemaah Menteri yang terdiri kebanyakannya dari orang-orang kiri yang melaksanakan satu cara pemerintahan diktator proleter itu? Dan tentulah ada sesuatu sebab yang menjadikannya begitu dahulu.

Katanya, Sukarno dahulu tidak begitu sekali memesong ke kiri tetapi apabila ia balik dari Moskow tempoh hari maka Sukarno telah memesong atau memutar haluannya daripada cara yang lebih membawa kepada kesempurnaan untuk negara – bersama dengan Dr Hatta. Ia sekarang lebih cenderung kepada Komunis dan melaksanakan suatu cara seperti juga cara yang dibawa oleh komunis. Is menyatakan bahawa sebelum ia melaksanakan itu *Rat's al-'Akbar* Nahdatul Ulama khabarnya dipanggil ke istana. Setibanya di istana dikatakan bahawa Presiden Sukarno meriwayatkan satu kejadian yang berlaku di Moscow kepada Kiayi Wahab dengan air mata. Gambar kejadian di Moscow itu khabarnya sebagai berita-berita angin yang tersiar di sekitar Jakarta sekarang digunakan oleh


D. N. Aidid mengugut Sukarno mengikut kemahuan-kemahuan komunis untuk melaksanakan kemahuannya supaya di Indonesia terbentuk satu cara pemerintahan yang menguntungkan komunis- kaau tidak gambar yang bersejarah itu akan disiarkannya di seluruh dunia.

Apakah gambar itu? Adalah menjadi satu pertanyaan kepada orang ramai. Tetapi khabarnya, menurut kata anggota pimpinan Nahdatul Ulama ini, Sukarno mengeluarkan air mata kerana ugutan ini dan Ra'īs al-'Akbar Nahdatul Ulama meminta kepada presiden supaya jangan tertakluk kepada ugutan itu, tetapi presiden dikatakan masih bertegang untuk mempertahankan nama baik dirinya di luar negeri.

Dengan kerana inilah kita melihat bahawa untuk mempertahankan nama baik presiden sendiri maka presiden mengorbankan kesenangan dan kesejahteraan umat Indonesia dan membelaikan pakar-pakar seperti Doktor Hatta, Sultan Hamengkubuwono, Mohammad Natsir, Shahrir dan beberapa orang lagi yang mendapat kepercayaan penuh

dari rakyat mebolehkan pula Indonesia dalam kesejahteraan dalam sita-cita semula. Orang-orang sekarang mengerti mengapa Dr Hatta dikebelakangkan dan mengapa Sukarno menolak sama sekali Dr Hatta sebabnya tidak lain dan tidak bukan: Kalau Hatta memerintah ertiannya langkah yang pertama yang akan diambilnya ialah menghancurkan komunis dan mencabut komunis dari Indonesia sampai ke akarnya kerana Hatta berpendapat bahawa komunis adalah perosak dan pembinasan kepada citra-cita kedaulatan bernegera di Indonesia. Sedang kalau Hatta memerintah maka sudah tentu Aidid akan melaksanakan apa yang dikatakannya iaitu mengisyiharkan satu gambar yang beriwayat kepada dunia. Gambar, menurut kata anggota Nahdatul Ulama ini, satu gambar beriwayat yang dengan sendirinya akan menurunkan dan menghancurkan kedudukan Sukarno bukannya sahaja di mata umat Islam Indonesia tetapi juga pada umat di seluruh dunia.

-bersambung.



Pembaca-pembaca Qalam di Surabaya Borneo, duduk nombor tiga dari kiri ialah Saudara M. Yu 'arushah (Ikhwān: 866)

*yang baharu kembali ke Tanah Melayu setelah berkhidmat beberapa tahun di Borneo
dalam pasukan polis.*